

نسخه‌سی ۱۰ غروشدرد

صاحبی، مدیری، محرری :



اسلامك نفعنه خادم مقالات
مع التكر قبول ونشر اولونور
يازانك شخصيتي دكل، يازينك اهيتي
نظر دقته آلتير .
كلن يازيلردن شايان قبول كوردولنلر:
تاريخ ميتراسيله . روج ايديلير .



علمي، ادبي، اجتماعي رشيدليك
شرعي مجموعہ در

۱۳۴۰ شواله مخصوص نسخه

عدد : ۲۴

اداره خانه‌سی : آقسرائده
ملا کورانی محله‌سندہ مهتر
سوقافنده ۳ نومرولوخانه

مركز توريبي :
باب عالي جاده‌سندہ (اتحاد
تجارت) كتبخانه‌سی

آبونه بدلي :
سنه‌لكي ۱۲۰ غروش
آلتی آيلني ۶۰
اوج آيلني ۳۰

جلد : ۲

مديرجات :

مخفيل علمي واستقادی : رسم مصحف عثمانی مشله‌سی - از ميرلي اسماعيل حق . شفتت اسلاميه - طاهر المولوي .
تزكية نفس - حسين شعي . لسان شرع وفنده فضا وسما - محمد عزت
مخفيل تاريخي : عبدالله بن جحش - طاهر المولوي . شيخ ابراهيم افندي - حنين وصاف . بابيلك - احسان
شيخ سعديك آباخانہ نصيحتي - طاهر المولوي . سيد برهان الدين محقق ترميزي - فرپدون نافذ .
مخفيل ادبي : دوشوندم - عبدالعزیز مجدی . اقشاجيلر وبرحسب حال مصطلفي نجای .

شیخ ابراهیم افندی حضرت تری

مابعد :

بودرگاه استانبولده حضرت فاتح زمانده اک
اول انشا اولنان تمکیده در. بانی ازی حضرت فاتحک
سکبان باشی یعقوب اغادر. بوراده مدفوندر
اولدی یعقوب واصل مصر نعیم

۸۶۶

تاریخ رحلتی مشهوردر. غوث اعظم جناب
سید عبدالقادر قدس سره افندمن برکیجه یعقوب
اغانک عالم منامده مشهودی اولوب بورایه بدرگاه
بناسنی امر و اشارت بیورملریله در حال انفاذ مرده
مسارعت اولندی. تاریخ انشاسندن ابراهیم افندی
زمانه قدر کیملرک اجرای مشیخت ایتدیکی مجهول
اولدینی کبی ابراهیم افندیدن صکره یقین وقته قدر
کیملرک اجرای آیین طریقت ایلدکری ده غیر معلومدره.
صوک زمانلرده مشایخ قادریه دن شیخ ویسی و مخدومی
شیخ حسنی افندیلر پوست نشین اولملاردی (۱)
تریده مدفوندرلر

ابراهیم افندی حضرت تری علی روایه بوراده
قورق سنه قدر اجرای مشیخت بیوردیلر. رتبه
کمالرینه (دل دانا) قصیده مشهوره سی و سائر آثار
منظومه لری و باخصوص خلیفه مکرملری شیخ صنع الله
غیبی حضرت تریلرینک محبت نامه لری دلالت ایتکده درلر.
آثار نظمیه لرندن :

(۱) حسنی افندی ارنحال ایدنجه مخدوملرینک ده ارنحال

مبنی مشیخت انحلال ایتش واورفه مبعوث اسبقی و تدقیق مؤلفات
هیئت رئیس لاحق شیخ صفوت افندی به توجیه اولمش
ایسه ده ومی الیه دخی کف یدایتدیکنندن مشیخت حسنی
افندینک هنوز صغیرالن بولنان کره زاده سی عبدالقادر
افندی به توجیه ایتش و بو مناسبتله مشیخت وکالتی مشایخ
قادریه دن و حقیقه صلحای امتدن شیخ کمال افندی به توجیه
اولمشدر. بویر توجیه وجهدر و جناب سلطان عبدالقادرک
عصول فیض نظر لریدر

ضربه لرندن النده کی قیلیچ قیریش و بنی اکرم
افندی طرقدن کندیسنه بر قیلیچ احسان بیورملشدی.
دایسی حضرت حمزه (وحشی) نک غدارانه
فیرلاتدینی ضربه ایله خاک شهادتیه سریلدیکی صبراده
عبدالله ده (ابوالحکم بن اخنس بن شریق) طرقدن
شهید ایلدی. مؤخرأ قاتلی ده دلاورن اسلامک
شمشیر انتقامه اوغرادی .


حربک ختساننده مشرک قاریلری ؛ میدان
کارزاده کلوب شهدای اسلامه (مثله) [۰] یابدقلمری
انشاده عبدالله ده بورتی و قولاقلمری کسه رک ایسه
کچر مشلر و شوحر کتله فدا کاره شارالیهک صباحلارین
ایتدیکی بردعانک اجابتنه سبب اولملاردی .

«غریبدرکه اوکون صباحلارین (عبدالله جحش) ایله
(سعد بن ابی وقاص) رضی الله عنهما برکناره چکیلوب
جناب حقه دعا ایتملر، سعد بن ابی وقاص « یارب بووک
بر دشمنه راست کلوب جنک ایده رک آکا غالب و مظفر
اولایم » دیمش. عبدالله بن جحش اوکا « آمین » دیدکدن
صوکر « بنده بر بووک دشمنه راست کلوب جنک
ایدهم و نهایت شهید اولایم، بورنم و قولاقلم کسلسین،
یارین روز جزاده الله تعالی حضرت تری بکا بورنک و قولاقلمک
نرده کسلیدی ؟ ده نیجه یارب سنک و رسولکک یوانده
کسلیدی دیبیم، دیو دعا ایتش... قصص انبیا

حضرت عبدالله ، حین شهادت لرنده قورق بو
قدر یاشنده ایدی و خال مکرمی جناب حمزه ایله
برقبره دفن اولوندی . رضی الله عنهما وارضاهما

ظاهر المولوی

[۰] (مثل) غسل و زننده و (مثله) میمک ضمیمه
برآدمه غیره عبرت اوله جق عقوبت ایلک معنانه در .
بروننی و قولقنی و سائر بعض اعضاسنی کسمک و کوزنی
اوینی کبی . . . قلدوس ترجمه سی



الها علمكه يوق حد وثابت

خدایا وصفكه هیچ يوق نهایت

بتون اشیا به ذاتكدر مسما

ایدوسین هر نفسده بیک تجلا

شریکك يوق نظیرك يوق احدسین

منزه ذاتك الله الصمدسین

کمال وحکمتك آنآفا نا

ظهور ایتمکده دائم آشکارا

هو الاول هو الآخر سین ای حق

هو الباطن هو الظاهر سین ای حق

جميع اشیاءه نورك اولدی ظاهر

بتون شی نوریکه اولدی مظاهر

کپرن کوزلرده نور کدر الهی

کورینن یوزده نور کدر الهی

سنگ نورکله سویلر جمله دلار

سنگ نورکله پر نور ر کوکالر

مستقیم زاده (اسرار ملامیه) نام اثرنده

وجه ابراهیم کوروندی حل اولندی مشکلات

دیه حضرت شیخك کلاتنه اشارت ایتمکده در

خليفة مکرملری (شیخ صنع الله غیبی افندی)

حضرت شیخك حضورنده بولندقیجه لسان

شریفرندن صادر اولان حقایق ضبط ایتمش، وجوده

کلن اثره (صحننامه ابراهیم افندی) نامی ویرمشدر.

مطالعه کذار فقیرانهم اولمشیدی

صنع الله غیبی افندی، حضرت مرکزك

خلفا مندن شیخ احمد بشیرك حنفیدیدر. کوتاهیلهیدر،

کوتاهیلهده مصالاده مدفوندر. مرتب دیوانی

(کشف الغطاء) نام منظومه سی (طریق الحق فی التوجه

المطلق) (روح الحقیقه) و (بیعتنامه) و (صحننامه) نام

اثرلری کتبخانه هرقانی تزیین ایتمکده در

فلسوف رضا توفیق بك بوذات محترم حقنده
فلسفی تدقیقاتده بولنه رق تقدیرات مخصوصه ایله
نشریاتده بولمشیدی

صحننامه دن بعض جمله لر تبرکاً نقل اولنور :

و محبت کامله دن طفل معنی حاصل اولور

بر شیخ کاملک سویلیدیکی سوزی؛ مرید
درجال قبول ایدرسه نکاح معنوی حاصل اولور.
عبادات و طاعاتدن و مجاهدات و ریاضاتدن و اما
واذ کاردن و اوراد و عزتدن و خله و خلوتدن مقصود
و نتیجه طالب کندی حقیقته ایریشمک و کندی
اوزندن خبردار اولوق، بکماله ماهیتنی بیلمکدره.
بو مقصده یول ایسه ایکیدن خالی دکلدرد. یا مجاهده
بدنی که وادی برزخیدر؛ یا جذبه مغنویه که شاهراه
معنوی راه وحدتیدر. شکم قاسم انوار بو بیت
رعنا لریله آشکار بیوره شلردر

ازدو بیرون نیست ره کر مردراهی این بدان

یا طریق جذبه باید یا طریق اجتهاد

حضور استین ظهور استمز، ظهور استین حضور استمز

محبت استعدادك جلوه سیدر

خلقك مالا یعنی ایله اشتغالی، صحبت قدرینی

بیلمد کلرنندرد.

صدیق لر حقنده یتمش آدم فلان کیسه مایه در

زندیقدر دیمد که مرتبه ولایت قدم باصلماز،

نمازك حقیقی حقله دائما وصلت اولدیغنی بیان

صورتنده :

نماز اباهان سهو سجودست

نماز طارقان محو وجودست بیور لر رمش

مسین و صاف